



武
012
R.S.



門
編
卷

重訂唐王燾先生外臺秘要方第三十五卷目錄

重訂唐王燾先生外臺秘要方第三十五卷目錄

小兒諸疾上三十六門

小兒方序例論一首

小兒初生將護法一十七首

小兒初生將息法二首

小兒初受氣論一首

小兒變蒸方二首

相兒命長短法並論二十八首

小兒藏衣法一首

浴兒法一十一首

剃兒頭法一首

并

岡氏
齋

小臺必要

三十五卷目錄

經余

揀

并

哺兒法三首

攘謝法一十二首

揀乳母法一首

小兒驚癇啼壯熱不喫妳吐不已不小便方五首

小兒將息衣厚薄致生諸癩及諸疾方並灸法二十八首

小兒驚悸方二首

小兒夜啼方一十首

小兒驚夜啼方七首

癆瘵

小兒客忤方一十首

小兒癆瘵癖方六首

小兒痰結方二首

小兒因食痞滿羸瘦不下食肚脹方四首

小兒食不下及不消不嗜食方四首

小兒霍亂方一十二首

小兒霍亂雜療方六首

小兒吐瀉方四首

小兒疳方二首

小兒口噤方四首

并二

小兒重舌方並灸法方十三首

小兒鵝口鷓口方六首

小兒口瘡方五首

小兒口中涎出方三首

小兒舌上瘡唇腫方五首

小兒咽喉生瘡方二首

小兒喉痺方四首

小兒停耳方四首

小兒鼻塞方四首

亭

檢

唐王燾先生外臺秘要方第三十五卷

宋朝散大夫守光祿卿直秘閣判登聞鼓院上護軍臣林億等 上進

新安後學程衍道敬通父訂梓

第位道素行父校閱

小兒方序例論一首

千金論曰夫生民之道莫不以養小為大若無小卒不成大故易稱積小以成高大詩有厥初生民傳云聲子生隱公此之一義卽是從微至著自少及長人情共見不待經史故今斯方先婦人小兒後丈夫者老者則是崇本之義也小兒氣勢微弱醫人欲留心救療立功差難今之學者

博隆

多不存意良由嬰兒在於襁褓之內乳氣腥臊醫者操行英雄詎肯瞻視靜而言之可為太息者矣小品方云凡八年六歲以上為小十六以上為少三十以上為壯五十以上為老其六歲以下經所不載所以乳下嬰兒有病難療者皆為無所承據也中古有巫妨者立小兒顛顛經以占天壽判疾病死生世相傳授始有小兒方焉逮于晉宋江左推諸蘇家傳習有驗流於人間齊有徐王者亦有小兒方三卷故今之學者頗得傳授然徐氏位望隆重何暇留心於少小詳其方意不甚深細小有可採未為至秘今博撰諸家及自經用有效者為上下兩卷可披而尋之凡百

居家皆宜達茲養小之術則無天橫之禍也

出第五卷中

小兒初生將護法一十七首

亦

崔氏療小兒初生便以綿裹指拭口中及舌上青泥惡血

此為之玉銜

一作銜

若不急拭啼聲一發即入腹成百病矣

又療兒生落地不作聲方

取煖水一器灌之須臾自當啼

又兒生不作聲者此由難產少氣故也可取兒臍帶向身却捋之令氣入腹仍呵之至百度啼聲自發

又方

以葱白徐徐鞭之即啼

又方

小兒初生，即當舉之。舉之遲晚，則令中寒，腹內雷鳴，乃先浴之，然後速斷臍，不得以刀子割之。須令人隔單衣物咬斷，兼將暖氣呵七遍，然後纏結，所留臍帶當令長至兒足，跌上短，即中寒，令兒腹中不調，常下痢。若先斷臍，然後浴者，則臍中水，中水則發腹痛，其臍斷訖，連臍帶中若有蟲，宜急剔撥去之，不爾當入兒腹成疾矣。

糾

又兒中水及中冷，則令兒腹中絞痛，天乳啼呼，面青黑，此是中水之過。兒尿清一云糞青者冷也，與兒臍中水即同方。

傳

當灸粉絮熨之，不時治護臍，至腫者當臍中隨輕重，重者便灸之，乃可至八九十壯。若輕者，臍不大腫，但出汗，時時啼呼者，但擣當歸末和胡粉敷之，仍灸絮，日日熨之，至百日乃愈，以啼呼止為候。

又兒初生法

宜用父故衣裹之，若生女，宜以母故衣，勿用新帛，切須依之，令兒長壽。

又一醉之內，兒衣皆須用故綿帛為之，善兒衣綿帛，特忌厚熱，慎之慎之。

又兒洗浴斷臍訖，襁抱畢，未可與朱蜜，宜與甘草湯，取甘

祥

草可中指一節搥碎以水二合煮取一合以綿纏沾
 取與兒吮之可得一蜆殼入腹止兒當快吐吐去心
 胃中惡汁也如得吐餘藥更不須與若不得吐可消
 息計如饑渴須更復與之若前所服及更與並不得
 吐者但稍稍與之令盡此一合止得吐去惡汁令兒
 心神智慧無病也吮一合盡都不吐者是兒不含惡
 血耳勿復與之乃可與朱蜜以鎮心神安竈鬼也
 又小兒初生三日中須與朱蜜只不宜多多則令兒脾胃
 冷腹脹喜陰癩氣急變噤瘖而死也與朱蜜法
 以真經飛鍊朱如大豆以赤蜜一蜆殼和之以綿纏

沾取與兒吮之得三沾止一日令盡此一豆許可三
 日與之則用三豆許也亦勿過過此則傷兒與朱蜜
 訖可與牛黃如朱蜜多少也牛黃益肝膽除熱定精
 神止驚辟惡氣除小兒百病三日後應開腸胃助穀
 神可研米作厚飲如乳酪厚薄以大豆粒多與啣之
 啣三豆許止日三與之滿七日乃可與哺也

又兒生十日始哺如棗核二十日倍之五十日如彈丸百
 日如棗若乳汁少不得依此法當用意少必增之若
 至二十日而哺者令兒無病兒若早哺之及多者令
 兒頭面身體喜生瘡愈而復發令兒疳弱難長乳兒

肌

約飢

不用太飽飽則令吐候兒吐者乳大飽也當以空乳
 乳之即消夏不去熱乳令兒嘔逆冬不去寒乳令兒
 欬痢乳母妨兒當先以手按散其熱氣勿令乳汁奔
 出以令兒噎如噎即便奪其乳令得氣息定復乳之
 如是十反五反視兒饑飽以節度之一日之中幾乳
 而足以為常準又常提去宿乳也乳母與兒卧當以
 臂與兒枕之使乳與兒頭平乃可乳之令兒不噎母
 欲睡即奪去其乳勿令填兒鼻口乳不知饑飽忌之
 又兒初生著口噤不開不收乳方
 赤足蜈蚣半枚去足炙令焦末研之絹篩以猪乳二

合和之分三四服與之差

又兒著口噤體熱者方

煖竹瀝二合分四五服之

又兒新生慎不可逆灸灸之忍痛動其五脉因喜成癩是

以田舍小兒任其自然皆無此天也

又兒初生有鵝口者其舌上有白屑如米劇者鼻外亦有

療之法

以髮纏筋頭沾井花水擦拭之三旦如此便去不者

可煮粟荻汁令濃以綿纏筋頭沾拭之無粟荻煮粟

木皮如井花水法千金同並出第十上卷中

第當作筋
宋本亦誤下
同

微語

瓜傳

文仲療兒生有連舌舌下有膜如石榴子中隔連其舌下
漸漸喜令兒聲不發不轉法

以瓜摘斷之微有血出無害若血出不止可燒髮作
末以敷之即止千金同

又兒初生六七日後血氣收斂成肉則口舌喉頰裏清淨
也若喉裏舌上有物如蘆薈盛水狀者若懸雍有脹起者
以綿纏長針留刃處如粟米許大以刺決之令氣洩去青
黃赤血汁也一刺之止消息一日若不消又刺之不過三
刺自消或餘小小未消三刺之亦止自然消也有著舌下
如此者名重舌有著頰裏及上腭如此者名重腭有著齒

斷上者名重斷皆刺之去血汁差止千金同

又療兒初生出腹骨肉未斂肌肉猶是血也血凝乃堅成

肌肉耳其血阻一作阻敗不成肌肉則使面目繞鼻口左右

悉黃而啼一作不啼閉目聚口撮面口中乾燥四肢不能伸縮

者皆是血脉不斂也喜不育如此者宜與龍膽湯方在客

忤部中十味者是也千金同

兒初生將息法二首

千金兒初生不可令衣過厚熱令兒傷皮膚害血脉發雜
瘡而黃又小兒始生肌膚未成不可暖衣暖衣則令筋骨
緩弱宜時見風日若都不見風日則令肌膚脆軟便易中

傷皆當以故絮衣之勿用新綿也天和暖無風之時令母將於日中嬉戲數見風日則血凝氣剛肌肉牢密堪耐風寒不致疾病若常藏於幃帳之中重衣溫暖譬猶陰地之草木不見風日軟脆不堪風寒也出第五卷中

小兒初受氣論一首

崔氏論曰凡小兒初受氣在娠一月結胚二月作胎三月有血脉四月形體成五月能動六月筋骨立七月毛髮生八月藏腑具九月穀氣入胃十月百神能備而生矣生後六十日目瞳子成始笑應知人百五十日百脉生能反覆百八十日尻骨成能獨坐二百一十日掌骨成能匍匐三百

哈和任

百日髓骨成能獨倚三百六十日為一晷膝骨成乃能行此其定法若有不依期者必有不平之處

小兒變蒸論二首

崔氏小兒生三十二日一變六十四日再變兼蒸九十六日三變百二十八日四變又蒸百六十日五變百九十二日六變又蒸二百二十四日七變二百五十六日八變又蒸二百八十八日九變三百二十日十變又蒸此小變蒸畢也後六十四日又蒸蒸後六十四日又一大蒸蒸後百二十八日又一大蒸此大小蒸都畢也凡五百七十六日乃成人所以變蒸者皆是榮其血脉改其五藏故一變畢

輒覺情態忽有異也其變蒸之候令身熱脉亂汗出目睛不明微似欲驚不乳哺上唇頭小白泡起如珠子耳冷尻亦冷此其診也單變小微兼蒸小劇先期四五日便發發後亦四五日歇凡蒸平者五日而衰遠至七日九日而衰當變蒸之時慎不可療及灸刺但和視之若良久熱不已可微與紫丸熱歇便止若於變蒸中加以天行温病或非變蒸而得天行者其診皆相似唯耳及尻通熱口上無白泡耳當先服黑散以發其汗汗出温粉粉之熱當歇便就差若猶不都除乃與紫丸下之其間節度甚多恐悠悠不能備行今略疏其經要者如此

詠

又黑散方

麻黃一分去節 大黃一分 杏仁二分去皮尖熬令變色

右三味先擣麻黃大黃為散杏仁別擣如脂乃細細內散又擣令調和訖內密器中一月兒服如小豆大一枚以乳汁和服之抱令得汗汗出温粉粉之勿使見風百日兒服如棗核以兒大小量之為度

又紫丸方

代赭 赤石脂各一兩 巴豆三十枚去心皮熬 杏仁五十枚去尖皮熬

右四味擣代赭等二味為末巴豆杏仁別擣如膏又內二味合擣三千杵自相和若硬入少蜜更擣密器中盛

小臺秘要

三十五卷

八

經餘居

頓

疥

并

生

外學秘要

卷

經簡牘

封之三十日兒服如麻子一九與少乳汁令下喉食頃
 後與少乳勿令多至日中當小下熱除若未全除明日
 更與一九百日兒服如小豆一九以此準量增減也小
 兒夏月多熱喜令發疹二三十日輒一服甚佳此丸無
 所不治代楮須真者若不真以左顧牡蠣代之忌豬肉
 蘆筍並出第十上卷中

相兒命長短法並論二十九首

千金翼兒生枕骨不成者能言而死 膝骨不成者能倨
 而死 掌骨不成者能匍匐而死 踵骨不成者能行而
 死 臏骨不成者能立而死 身肉不收者死 魚口者

博

叫

死 股間無生肉者死 頤下破者死 陰不起者死
 囊下白者死赤者死

相法甚博略述十數條而已

兒初生陰大而與身色同者成人 兒初生額上有旋毛
 早貴妨父母 兒初生叫聲連延相屬者壽聲絕而復揚
 急者不壽 兒初生汗血者多厄不壽 兒初生目視不
 正數動者大非佳人 兒初生自開目者不成人 兒初
 生通身軟弱如無骨者不成人 兒初生髮稀少者不聽
 人 兒初生臍小者不壽 兒初生早坐早行早語早齒
 生惡性者非佳人 兒初生頭四破者不成人 兒初生

小臺必要

三十五卷

九

經餘居

頭毛不周匝者不成人 啼聲散不成人 啼聲深不成人

人 汗不流不成人 小便凝如脂膏不成人 常搖手

足者不成人 無此狀候者皆成人

無此宋大書

兒初生臍中無血者好 卵下縫通達黑者壽 鮮白長大者

壽論曰見三歲以上十歲以下觀其性氣高下即可知其

天壽兒小時識悟通敏過人者多天則項橐頰回之流是

也小兒骨法成就威儀迴轉遲舒稍費人精神彫琢者壽

其預知人意迴旋敏速者亦天則楊脩孔融之徒是也由

此觀之天壽大略可知也亦由梅花早發不覩歲寒甘菊

晚榮終於年事是晚成就者壽之兆也 並出第十一卷中

託

小兒藏衣法五首

崔氏凡藏兒衣法

兒衣先以清水洗之勿令沙土草污又以清酒洗之

仍內錢一文在衣中盛於新瓶內以青綿裹之其瓶

口上仍密蓋頭且置便宜處待滿三日然後依月吉

地向陽高燥之處入地三尺埋之瓶上土厚一尺七

寸惟須牢築令兒長壽有智慧若藏衣不謹為豬狗

所食者令兒癩狂蟲蟻食者令兒病惡瘡犬鳥食之

令兒兵死近社廟傍者令兒見鬼近深水洿池令兒

溺死近故竈傍令兒驚惕近井傍者令兒病聾盲弃

大唯惠

帛

道路街巷者令兒絕嗣無子當門戶者令兒聲不出耳聾著水流下者令兒青盲棄於火裏者令兒生癩瘡著林木頭者令兒自絞死如此之忌皆須慎之

又安產婦及藏衣天德月空法

正月	天德在丁 月空在丙壬	二月	天德在坤 月空在甲庚	三月	天德在壬 月空在丙壬
四月	天德在辛 月空在甲庚	五月	天德在乾 月空在丙壬	六月	天德在甲 月空在甲庚
七月	天德在癸 月空在丙壬	八月	天德在艮 月空在甲庚	九月	天德在丙 月空在丙壬
十月	天德在乙 月空在甲庚	十一月	天德在巽 月空在丙壬	十二月	天德在庚 月空在甲庚

凡藏兒衣皆依此法天德月空處理之若有遇反支者宜以衣內新瓶盛密封塞口掛於宅外福德之上向陽高燥之處待過月然後依法埋藏之大吉

之處待過月然後依法埋藏之大吉

又法

甲寅旬日十日不得藏埋兒衣以瓶盛密封安置空處度十日即藏埋之

又法

甲辰乙巳丙午丁未戊申此五日亦不藏兒衣還盛瓶中密塞勿令氣通桂著兒生處過此五日即埋之亦不得更過此日

又法

甲乙日生兒丙丁日藏衣吉丙丁日生兒戊巳日藏

衣吉戊巳日生兒庚辛日藏衣吉庚辛日生兒壬癸日藏衣吉並出第十上卷中

浴兒法一十一首

崔氏初生浴兒良日此謂初生浴兒以後重浴亦吉寅卯酉日大吉壬午丁未癸巳日凶

又浴兒虎頭骨湯主辟除惡氣兼令兒不驚不患諸瘡疥方

虎頭骨五兩 苦參四兩 白芷三兩

右三味切以水一斗煮為湯內猪膽汁少許適寒溫以浴兒良

天 無頭身骨亦得碎

又療兒若卒客忤中人吐下不乳哺面青黃色變弦急者以浴之方

取錢七十文以水三斗煮令有味適寒溫浴兒良又療兒生三日浴除瘡方

桃根 李根 梅根各八兩

右三味切以意著水多少煮令三四沸以浴兒又療少小卒寒熱不佳不能服藥六物莽草湯浴兒方

莽草 丹參 蛇牀子 桂心各三兩

菖蒲半斤 雷丸一斤

右六味咬咀以水三斗煮三五沸適寒溫浴兒避日向

昌

陰處

又療少小身熱一物李葉湯方

李葉無多少以水煮去滓以浴兒良忌準前

又方

白芷煎湯浴兒佳根苗皆得

又方

苦參湯浴兒良

又凡尋常浴兒不緣別療諸病只就浴者方

湯熟添少許清漿水一捻鹽浴兒浴訖以粉摩兒既不畏風又引散諸氣

今

所

又兒不用數浴數浴多背冷令兒發癩其湯必適寒溫

寒水石

芒消

滑石

石膏

赤石脂

青木香

甘草炙

大黃

黃芩

芎藭

麻黃去節

牡蠣熬

右藥各等分擣篩以粉一升和藥屑三合復下篩以粉粉兒日三熱退即止本方有防風無牡蠣

又少小盜汗三物黃連粉方

黃連

牡蠣熬

貝母

右藥各等分擣篩以粉粉兒良出第十上卷中

割兒頭法一首

崔氏初割兒頭良日寅丑日吉丁未日凶

哺兒法三首

崔氏初哺兒良日以平定成日大吉其哺不得令鹹

又方

寅丑辰巳酉日良

又方

男戊巳日不得女丙丁日不得

攘謝法一十二首

幼新書引
兩得下並
有哺字

坤通按
相一作
扼

崔氏軒轅者

乾神天丞相使者風伯犯之令兒驚吐可取梨枝六寸埋生處大吉

雷公者

震神太陰使者天馬犯之令兒煩悶腹滿解之以三屠家肉為餅於產處謝之大吉

咸池者

坎神天之雨師使者犯之令兒啼不止用羊脯酒於生處謝之吉

豐隆者

艮神天之東明使者天僕也害氣犯之令兒乍寒乍熱大腹以白魚二枚於生處謝之又大豆一升投井中亦大吉

招搖者

坤神天上使者犯之令兒驚空爵不止以酒餅生處謝之即愈

天候者

巽神天一執法使者犯之令兒腹脹張眼以白魚二枚於生處謝之吉

吳時者

離神天一將軍遊擊使者犯之令兒驚腹痛用馬脯五寸於生處謝之吉又以白魚五枚并棗餅埋其生處吉

大時者

兌神小時北斗使者犯之令兒腹脹下痢解之以酒脯於生處謝之又以大豆一升投井中吉

外臺秘要

三十五卷

十一

經餘畧

商

令

脾

孤 知 瘡

外臺秘製

七

雜錄

犯月殺者

小兒驚啼用丹雄雞血於生處謝之吉

犯白虎者

用稻米一升雞子三枚於生處謝之吉黍米亦得

犯大夫者

用羊肝三枚及稻米一升於生處謝之吉又用雞毳羊皮黍米亦得

犯日遊者

令兒口噤色變欲死者用三屠家肉麥餅於生處謝之吉

揀乳母法一首

崔氏乳母者其血氣為乳汁也五情善惡悉血氣所生其乳兒者皆須性情和善形色不惡相貌稍通者若求全備不可得也但取不孤臭嬰癯氣嗽癆疥癡瘡白禿癩瘍瀝屑耳聾龜鼻癩癩無此疾者便可飲兒師見其身上舊灸癍即知其先有所疾切須慎耳

小兒驚癩啼壯熱不喫妳吐不已不小便方五首

劉氏療小兒眠睡不安驚啼不喫妳虎睛丸方小兒熱甚神效

犀角

十二分

子芩

五分

梔子人

大黃

各十分

虎睛

一枚研

右五味擣篩蜜和如梧子大每服七丸大小量之妳母忌熱麪小兒熱風癩以乳汁或竹瀝研三丸服之漸增以差為度小兒百目以下葶內壯熱以妳汁研四丸與服即差

又療小兒初生不喫妳方

以乳兩合葱白一寸和煎一兩沸去葱與喫即能喫

小臺必真

三十五卷

七

經餘

棗核大日夜五六過服不妨五六日兒噉之三枚一百日兒噉四枚二百日兒至三百日兒噉五枚三歲兒噉七枚以意量之

千金

上

小品云玄中記曰天下有女鳥一名姑獲又名鈞星鬼也喜以陰雨夜過飛鳴徘徊人村里喚得來也是鳥純雌無雄不產喜落毛羽於中庭置入兒衣中便使兒作癩必死即化為其兒也是以小兒生至十歲衣裳不可露七八月尤忌之

采

千金夫癩病小兒之惡病也或有不及求醫而致困者然氣發於內必先有候常宜審察其精神而採其候也手白

累

肉魚際脉黑者是癩候魚際脉赤者熱脉青大者寒青細者為平也

止

又鼻口乾燥大小又眼不明上視又耳後完骨上有青絡青大刺之又小兒髮逆上啼哭面又鼻口青時小又意氣令血出又暗色不變是癩候又驚是癩候又身熱目時直又妄怒是又身熱小便又吐痢不止厥痛又身熱目時直又癩候又難是癩候又時起是癩候又視是癩候又目閉青時小又咽乳不利又身熱頭常汗又目瞳子卒大驚是癩候又是癩候又喜欠目上又卧惕惕而驚手又身熱癩候又喘是癩候又視是癩候又足振搖是癩候又目視不精是又動搖是癩候又是癩候

弄

瓜

以上諸候二十條皆癩之初也見其候便當瓜其陽脉所應灸瓜之皆重手令兒驟啼及足脉絕亦依方與湯

通按
倍當是
痛

又直視瞳子動 腹滿轉鳴 下血身熱 口噤不得乳
及張脊強 汗出發熱 爲卧不悟 手足痠癢喜驚
凡八候癰之劇也如此非復湯瓜所能救便當時灸之妙
又小兒驚啼眠中四肢掣動變蒸未解慎不可針灸瓜之
動其百脉仍因驚成癰也惟陰癰噤症可針灸瓜之凡灸
癰當先下兒使虛乃承虛灸之未下有實而灸者氣逼前
後不通殺人也
又癰平旦發者在足少陽 黃昏發者在足太陰 日中
發者在足太陽 夜半發者在足少陰 人定發者在足
陽明 晨朝發者在足厥陰

右癰發時節病所在視其發早晚灸其所也

又五藏之癰六畜之癰或在四肢或在腹內審察其候隨
病所在灸之雖少必差若失其要則爲害也

肝癰之爲病面青目反視手足搖灸陽明太陰各三炷

心癰之爲病面赤心下有熱短氣息微數灸心下第二肋
端宛宛中此爲

巨闕也又灸手心主及少陰各三炷

脾癰之爲病面黃腹大泄痢灸胃管三壯俠胃管傍各二
壯足陽明太陰各二炷

肺癰之爲病面目白口沫出灸肝俞二壯又灸太陰二炷

腎癰之爲病面黑目正直視不搖如尸狀灸心下二寸二
分三壯又灸肘

下動脉各二壯

膈癰之為病目反四肢不舉灸風府又灸頂上鼻人中下膈承漿皆隨年壯
腸癰之為病不動搖灸兩承山又灸足心兩手勞宮又灸兩耳後完骨各隨年壯又灸臍中可
五十壯

右五藏癰證候

又馬癰之為病張口搖頭馬鳴欲反折灸頂風府臍中三壯病在腹中燒馬蹄未服

牛癰之為病目正直視腹脹灸鳩尾上及大椎各三壯燒牛蹄灰未服

雞癰之為病延頸反折喜驚自搖灸足諸陽各三壯

羊癰之為病喜揚目吐舌灸大椎上三壯

豬癰之為病喜吐沫灸完骨兩傍各一寸七壯

味字

大癰之為病手屈拳攣灸兩手心一壯灸足太陽各一壯灸助戶兩聊頭兩穴各一壯良

右六畜癰證候

俱
大頭按
聊頭疑
俱
頭橫
橫

橫

凡諸反張大人脊下容側手又若目反上視瞳子動當灸
吻際又橫度鼻下亦盡兩邊折去鼻度半都合口為度從
額上髮際上行度之灸度頭一處正在額上未合骨中隨
手動者是此次灸當額上入髮際二寸次灸其兩邊當目瞳
最要處也分許直望鼻為正也次灸子直上人髮際二
分次灸頂上次灸客主人穴在眉次灸兩耳門當耳開口
許次灸兩耳上捲耳取之一法當捲耳上頭是也次灸兩
也灸大人當耳上橫三指小兒各自取其指也次灸兩
完骨上青脈亦可灸玉枕項後次灸兩風池穴在項後
以針刺令血出灸高骨是也次灸兩轉筋外髮際陷中
是次灸風府當頂中髮際亦可次灸兩角兩角當頰
也灸與風池三處高下相等次灸兩邊起骨是也

右頭部凡二十九處見生十日可灸三壯三十日灸五

首

又論曰若病家始發便來告師師可診候所解為法作次序療之以其節度首尾取差也病家已經雜療無次序不得制病病則變異其本候後師便不知其前證虛實直依其後證作療亦不得差也要應精問察之為前師貫者所配依取其前蹤續以為療乃無逆耳前師處湯本應數劑乃差而病家服一兩劑求效便謂不驗已後更問他師師不尋前人為療寒溫次序而更為療而不依次前師療則斃也或前已下之後須平和療以接之而得差也或前人未下之或不去者或前療寒溫失度後人應調理之是為療取病皆須邀射之然後免耳不依次第及不審察必反

葉皮
昌

重斃也又茵芋丸療少小有風癩疹至長不除或過天陰節變便發動食飲堅強亦發百脉攣縮行步不正言語不便者服之不發方

茵芋炙

鈇丹熬

鈞藤炙

杜蘅

防葵

石膏研

秦艽各四分

菖蒲

黃芩各六分

松蘿二分

蜣螂十枚

甘草十四分

右十二味擣篩丸如小豆三歲以下服五丸三歲以上

服七丸五歲以上服十丸十歲可至十五丸大小量之

又神農本草經說小兒驚癇有一百二十種其證候微異於常便是癇候也初出胎血脉不斂五藏未成稍將養失

宜卽爲病也時不成人其經變蒸之後有病餘證並寬唯中風最暴卒也

又小兒四肢不好驚掣氣息小異欲作癇

又凡小兒不能乳哺當與紫丸下之小兒始生生氣尚盛但有微惡則須下之必無所損及其愈病則致深益及變蒸日滿不解者並宜龍膽湯也

方在客

若不時下則成大

病病成則難療矣凡下四味紫丸最善雖下不損人足以去疾若回味紫丸不得下者以赤丸下之赤丸不下當倍之若已下而有餘熱不盡當按方作龍膽湯稍稍服之并摩赤膏風癇亦當下之後以豬心湯下之驚癇但按圖灸

然

常

之及摩膏不可大下也何者驚癇心氣不定下之內虛益令甚耳驚癇甚者特爲難治如養小兒嘗慎驚勿令兒聞大聲抱持之間當安徐勿令怖也又天雷時便掩塞兒耳并作餘細聲以亂之

凡養小兒皆微驚以長血脉但不欲大驚大驚乃灸驚脉若五六十日灸者驚復重甚生百日後灸驚脉乃善

治少小心腹熱除熱丹參赤膏方

丹參

雷丸

芒硝

戎鹽

大黃

各三兩

右五味切以苦酒半升浸四種一宿以成鍊豬脂一斤

煎三上三下去滓內芒硝膏成以摩心下冬夏可用一方但丹參雷丸亦佳並出第五卷中

千金翼凡小兒之癩有三種有風癩有驚癩有食癩然風癩驚癩時時有耳十人之中未有一二是食癩者凡是先寒後熱發癩者皆是食癩也驚癩當按圖灸之風癩當與豬心湯下之食癩當下乃愈紫丸佳凡小兒所以得風者緣衣暖汗出風因而人也風癩者初得之時先屈指如數乃發作此風癩也驚癩者起於驚怖先啼乃發作此驚癩也驚癩微者急療勿復驚之或自止也其先不哺乳吐變熱後發癩此食癩也早治則差四味紫丸逐癖飲最良去病速而不虛人赤丸差駛病重者當用之

下

矢

小兒衣甚寒薄則腹中乳食不消其大便皆酢臭此欲爲癖之漸也便將紫丸以微消之服法先從小起常令大便稀勿使大下也稀後便漸減之尿不酢臭乃止藥又凡小兒冬月下無所畏夏月下難差然有病者不可不下後腹中當小脹滿故當節哺乳將紫丸數日又乳哺小兒常令多少有常劑兒漸大當稍稍增之若減少者此腹中已有小不調也便微服藥停哺但與乳甚者十許日微者五六日止哺自當如常若不肯哺而欲乳者此是癖爲重要當下之無不差者不下則致寒熱或反吐而發癩或

更致下痢此皆病重不早下之所為也此為難療
 又凡小兒有熱不欲哺乳卧不安又數驚此痢之初也服
 紫九便愈不差更服之兒立夏後有病療之慎勿妄灸不
 欲吐下但以除熱湯浴之除熱散粉之除熱赤膏摩之又
 臍中以膏塗之令兒在涼處勿禁水漿常以新水飲之
 又凡小兒尿黃而臭者此腹中有熱宜微將服龍膽湯若
 白而酢者此寒不消也當服紫九微者少與藥令內消甚
 者小增令小下皆須節乳哺數日令胃氣平和若不節乳
 哺則病易復復下之則傷其胃氣令腹脹滿再三下之尚
 可過此傷矣並出第十一卷中

備急療小小百二十種癩病胃中病蛇蛻皮湯方

蛇蛻皮 三寸

細辛

甘草 炙

鈎藤

黃耆 各二分

大黃 四分

蚱蟬 四枚

牛黃 五大豆許

右八味切以水二升半煮取一升一合百日兒一服二
 合甚良窮地無藥物可一二味亦合不可備用然大黃
 一味不得常用效

又療少小二十五癩大黃湯方

甘草 炙

大黃

甘皮

當歸 各一兩

細辛 半兩

右五味搗篩以指撮著水一升煮取二合一歲兒服一

合日二

古今錄驗赤湯療二十五種癩吐痢寒熱百病不乳哺方

大黃五兩

當歸

芍藥

黃芩

桔樓

甘草炙

桂心

人參

赤石脂

牡蠣熬

紫石英

麻黃去節各二兩

右十二味搗篩令調盛以韋囊八歲兒以乾棗五枚用水八合煮棗取五合兩指撮藥入湯中煮取三沸去滓與兒服之取利微汗自除十歲用棗十枚三指撮藥水一升煮三沸服之此湯療小兒百病及癩神驗又療未滿月及出月兒壯熱發癩鈞藤湯方

熬末湯成下

鈞藤一分

蚱蟬一枚去翅

柴胡

升麻

黃芩各二分

蛇脫皮二十炙

甘草炙

大黃各三分

竹瀝三合

石膏三分碎

右十味切以水一升煮取三合半和竹瀝服一合得利見湯色出停後服至五十六日兒一服一合乳母忌海藻菘菜等崔氏云若連發不醒加麻黃一分去節又療百日及過百日兒發癩連發不醒及胎中帶風體冷面青反張宜服麻黃五癩湯方

麻黃去節

羌活

乾葛

甘草炙

枳實各二分炙

杏仁二十枚

升麻

黃芩

去腸去皮天碎

小臺秘要

三十五卷

二五

經餘居

經會居

大黃各四分 柴胡 芍藥各三分 鈎藤皮一分

蛇蛻三寸灸 蚱蟬二枚灸去羽 石膏六分碎

右十五味切以水二升并竹瀝五合煎取六合每服一合佳

小兒驚悸方二首

必効鈎藤湯療小兒壯熱時氣驚悸并熱瘡出方

鈎藤 人參 蚱蟬灸 子芩各一分

蛇蛻皮三寸灸 龍齒四分 防風 澤瀉各二分

石膏一兩碎 竹瀝三合

右十味切以水二升并竹瀝煎取七合細細服之以差

碎

為度

又方

牛黃兩大豆許研 蚱蟬各二分 龍齒碎 麥門冬去心各四分

人參三分 鈎藤一分 茯神 杏仁十二枚

蛇蛻皮三寸灸末入

右九味切以水二升煎取六合去滓下牛黃末分六服消息服之令盡差

小兒夜啼方一十首

小品療小兒夜啼一物前胡丸方

前胡隨多少

牛黃易地 茯神 去皮灸碎

小兒必

三十五卷

二

經會居

右一味搗篩蜜丸如大豆服一九日三加至五六丸以
差爲度千金同

又方

以妊娠時食飲偏有所思者以哺兒則愈千金同
十金療小兒夜啼不已醫所不治者方

取狼糞中骨燒作灰水服如黍米粒一枚卽定

又療小兒夜啼至明不安寐芎藭散方

芎藭 防已 白朮 各二分

右三味搗篩以乳和之與兒服之量多少又以兒母手
掩臍中亦以摩兒頭及脊驗二十日兒未能服散者以

乳汁和之服如麻子一九

又方

交道中土 伏龍肝 各一把

右二味以縮篩水和少許服之瘥

又方

取馬骨燒灰敷乳上飲兒啼卽止並出第五卷中

備急或常好啼方

取犬頭下毛以絳囊盛擊兒兩手立効

必効小兒夜啼方

以日未出時及日午時仰卧著於臍上橫文屏氣以

橫 繫 傳

朱書作血字其夜即斷聲効

古今錄驗小兒夜啼如腹痛方

虛蟲

熬令煙盡

芍藥

芎藭 熬各等分

右三味搗末服如刀圭日三以乳服之

又療小兒夜啼不止腹中痛宜以乳頭散方

黃耆

甘草 炙

當歸

芍藥

附子 炮

乾薑 各等分

右六味為散以乳頭飲兒丸可胡豆三九大小量之

小兒驚夜啼方七首

廣濟療小兒五驚夜啼龍角丸方

龍角

黃芩

大黃 各二分

牡丹皮 一分

蚱蟬 一枚炙

牛黃 小豆大五枚

右六味搗篩蜜和丸如麻子小小以意增減之甚良

牡丹作牡蠣崔氏名五驚丸

千金療小兒驚啼方

以雞屎白熬末以乳服少許

又方

以臘月縛猪繩燒灰服之

又方

燒猬皮三寸灰著乳頭飲兒

又方

車轄脂如小豆許內口中及臍中差

又小兒因宿乳不消腹痛驚啼牛黃丸方

大附子二枚炮 牛黃三銖 巴豆去心皮熬 杏仁十五火

真珠各一兩研

右五味搗附子真珠下篩別搗巴豆杏仁合如膏內附子及牛黃搗一千二百杵若乾入少蜜足之百日兒服如粟米一丸三歲兒服如麻子一丸五六歲兒服如胡豆一丸日二先乳哺了服之隔上下悉當微轉藥完出首病愈散出者更服並出第五卷中

熬別搗

令

字

文仲隱居効方小兒夜啼不安此腹痛故至夜輒劇狀似鬼禍五味子湯方

五味子 當歸 芍藥 白朮各四分

甘草炙 桂心各二分

右六味切以水一升煎取五合分服之增減量之

小兒客忤一十首

千金論曰少小所以有客忤病者是外人來氣息忤之名中人為客忤也雖是家人或別房異戶或乳母父母從外還衣服或經履鬼神廳惡暴氣或牛馬之氣皆為忤也發作喘息乳氣未定者皆為客忤其乳母過醉及房勞後

乳兒最劇能殺兒也不可不慎

又論曰凡中客之為病皆頻吐下青黃白色水穀解離腹痛天糾面色變易其候似痛但眼不上插耳其脈急數者是也宜與龍膽湯下之

又龍膽湯療嬰兒出腹血脈盛實熱温壯四肢驚掣發熱大吐呢者若已能進哺中食不消壯熱及變蒸不解中客人魁氣并諸驚癇方悉主之小兒皆服之小兒龍膽湯第一此是新出腹嬰兒方若日月長大者以次依此為例若必知客忤及有魁氣者可加入參當歸各如龍膽秤分多少也一百日兒加半分二百日兒加一分一歲兒加半兩

魁

餘藥皆準爾

龍膽

鈞藤皮

柴胡

黃芩

桔梗

芍藥

茯神

甘草

炙各一分

蜚蠊二分

大黃四分

右十味切以水一升煎取五合為劑也服之如後節度藥有虛實虛藥宜足數合水也兒生一日至七日分取一合為三服生八日至十五日分取一合半為三服生十六日至二十餘日至四十日者盡以五合為三服十歲亦準此得下即止勿復服也

又小小卒客忤不知人者方

取新熱馬屎一枚絞取汁飲兒下便愈亦治中客忤而嘔啼面青腹強者

又少小見人來卒不佳腹中作聲者二物燒髮散方

用向來者人頭生髮十莖斷兒衣帶少許合燒灰細末和乳飲兒即差

又少小中忤人一物馬通浴湯方

用馬通三升火燒令煙盡以酒一斗煮三沸去滓以浴兒即差

又凡乘馬行還得汗氣臭又未盥洗易衣裝而便向兒邊令兒中馬客忤兒忽卒見馬來及聞馬鳴驚及馬上衣物

持

馬氣皆令兒中馬汗氣及客忤慎護之特重一歲兒也

一云護之持馬中矣

又凡非常人及諸物從外來亦驚小兒致病欲防之法諸有從外來人及有異物入戶當將兒迴避之勿令見也若不避者即燒牛糞令有煙氣置戶前則善

又方

吞麝香如大豆許立愈

又療少小客忤二物黃土塗頭方

以竈中黃土熟者曲蟻糞等分合搗如雞子黃大塗兒頭上及五心良一方雞子清和如泥

又療小兒犯客忤發作喘時方

持重一歲兒者當慎護一歲兒尤當慎重也一云護之特黑中者或避之于黑闇中即下勿令見之意

取母月衣覆兒上大良

又療卒客忤方

剪取驢前膊胛上旋毛大如彈丸以乳汁煎之令毛

消藥成著乳頭飲之下喉即愈

又療小兒卒客忤方

銅鑑臯燒令赤投少許酒中大兒飲之小兒不能飲

者含與之即愈並出第五卷中

小兒癩痕癬方六首

廣濟療少小及大人腹中宿食積成癩癬兩脅妨滿氣息

喘急不能食面黃日漸瘦腹大脹硬除百病紫雙丸方

膊不鮮

癩下同

通按雙即是

前

代赭研

丹砂研

大黃各八分

青木香

當歸各五分

桂心四分

犀角三分

巴豆六分去心皮別搗

右八味搗篩蜜和丸如梧子大人小兒量之十歲兒服

大豆二丸六歲者小豆許二丸以下臨時斟酌要濕病

出為度久疾日一丸以溲洩而已不在猛瀉忌如常法

又療小兒疰癘發腹痛不食黃瘦鼈甲丸方

鼈甲炙

郁李人各八分

人參各五分

訶黎勒皮七顆

大黃四分

桑菌三分

右七味搗篩蜜丸大小量之以酒飲乳服五丸至十九

千金牛黃鼈甲丸療小兒癘實癰腫壯熱食不消化中惡

灸

千金作一

忤氣方

牛黃 二分 鼈甲 炙 麥麩 熬 柴胡

大黃 枳實 炙 芎藭 各二兩 厚朴 炙

茯苓 桂心 芍藥 乾薑 各半兩

右十二味搗篩蜜丸如小豆日三服以意量之

又療小兒心下生痞痰澀結聚腹大脹滿身體壯熱不欲

哺乳芫花丸方

芫花 黃芩 各四分 大黃 雄黃 細研各十銖

右四味搗篩為末蜜和更搗一千杵三歲兒至一歲以

下服如粟米一九欲服丸內兒喉中令母與乳若長服

消病者當以意消息與服之與乳哺相避良

又療小兒痰實結聚宿癖羸露瘦不能飲真珠丸方

真珠 半兩 麥門冬 一兩 蕤人 五十枚

巴豆 七枚 去心皮熬

右四味搗篩蜜和丸菴歲兒服二丸小豆大二百日兒

服如麻子二丸漸增以知為度當下病赤黃白黑葵汁

勿絕藥病盡下自止久服令小兒肥白無病已試驗並

出第五卷中

劉氏療小兒冷癖疰癖氣不下食瘦時時肋下痛方

防葵 當歸 枳實 炙 厚朴 炙

小兒必書

三十五卷

卷

經

楮實

人參

黃耆

茯神

白朮

訶黎勒皮各八分

郁李人皮去

柴胡

大麻人

芍藥

橘皮

防風

紫苑洗去土

薏苡人各六分 鼈甲炙

三稜根各十分

桂心七分

仙鼠二枚如無以糞二合代

大附子二枚

乾薑末二分

甘草炙

乾地黃各十分

大黃十分

五味子四分

檳榔四顆

牛膝二分

人牛膝在都李人上

服之良

小兒痰結方二首

右三十味搗篩蜜丸如梧子大小增減以意量之須飲

淡

淡

紫丸方

千金療少小宿食癖氣痰飲往來寒熱不欲食消瘦芒消

芒消四分

大黃四兩

半夏二兩

代赭一兩

甘遂二兩

巴豆三百枚去心皮熬

杏人一百二十枚

稍內藥末

右七味搗篩別治巴豆杏人令如膏搗數千杵令相和

如強內少蜜百日兒服如胡豆十九過百日至一歲服

二十丸隨兒大小以意節度之當候兒大便中藥出為

愈若不出復與加初出第五卷中

古今錄驗療八歲以上兒熱結痰實不能下食方

大黃十二分

柴胡九分

黃芩

知母各十分

淡

一

去夫皮熬

夕臺秘要

三四

糸會居

升麻 十分

枳實 炙

杏仁 各六分

芍藥

梔子 各八分

細辛 二分半

竹葉 升切

右十一味切以水六升煮取一升八合分四服十歲兒分三服以下以意消息多少量之千金有桔梗黃連無枳實杏仁

小兒因食痞滿羸瘦不下食肚脹方四首

小品療四五歲兒因食及在胎中宿熱乳母飲食麤惡辛苦乳汁不起兒哺不為肌膚心腹痞滿痿黃瘦瘠四肢痿

癭繚戾服之令充悅方

芍藥 十分炙

黃耆

鼈甲 炙

人參 各四分

柴胡 八分

茯苓 六分

甘草 炙

乾薑 各二分如熱以枳實代

右八味搗篩蜜和為丸如大豆服五九日二服忌如常

法千金有大黃無黃耆云服一九一歲以上乳服三九七歲兒服十九日二

千金療少小傷寒久病不除差復劇羸瘦骨立五味子湯

方

五味子 十銖

大黃 六銖

芒消 五分

麥門冬 六分去心

石膏 一兩

甘草 炙

當歸

黃芩

黃連

前胡 各一分

右十味切以水三升煮取一升半服二合下利即止効

又療小兒羸瘦憒憒常服不妨乳方

甘草 五兩炙

增減量之

外臺秘要

三十五卷

三五

經餘居

右一味搗篩蜜丸如小豆一歲兒服十九日三盡即更
合並出第五卷中

劉氏療小兒肚脹漸瘦不食四肢熱不調方

甘草 炙 鱉甲 炙 柴胡 茯苓

子芩 各六分 訶黎勒皮 十皮三 芍藥

橘皮 各三分 生薑 當歸 各四分 知母 五分

大黃 八分

右十三味切以水一升半煎取七合分為數服得瀉病
差

小兒食不下及不消不嗜食方四首

廣濟療小兒心腹滿喫食不下地黄飲子方

生地黄汁 三合 生薑汁 三合 訶黎勒 四分 白蜜 一匙

右四味相和調勻分溫服之微利尤良

小品療小兒宿食不消發熱九味當歸湯方

當歸 甘草 炙 芍藥 人參

桂心 黃芩 乾薑 各一分 大棗 五枚

大黃 二分

右藥切以水一升半煎取六合去滓分服

千金療少小五六日不食氣逆桂心橘皮湯方

桂心 半兩 橘皮 三兩 薤白 切五合 黍米 五合

皮

人

增減量之

人參 半兩

右五味切以水七升先煮藥取二升次下薤米米熟湯成稍稍服之

又療少小胃氣不調不嗜食生肌肉地黄丸方

乾地黄

大黃 各五分

茯苓 三分

當歸

柴胡

杏仁 各二分

右六味末之以蜜丸如麻子大服五九日三服

並出第五卷中

小兒霍亂方一十二首

廣濟療小兒霍亂心腹刺痛吐痢方

茯苓

桔梗

人參 各六分

白朮 五分

甘草

厚朴 各四分

右六味切以水二升煮取六合去滓溫服之

又療小兒霍亂嘔吐不止方

人參 六分

厚朴 三分

陳倉米 三合

右三味切以水三升煮取七合去滓分服之

千金療小兒吐痢霍亂方

人參 四分

厚朴 各

甘草

各二分 白朮 三分

右四味切以水一升二合煮取五合六十日兒服一合

百日兒分三服暮歲兒分再服乳母忌油膩等

備急療小兒霍亂吐痢方

中間隔乳服

人參 四分

厚朴 炙

甘草

各二分

乾薑

一分

白朮 三分

右五味切以水一升煮取四合分服之

又療孩子霍亂已用有效方

人參

蘆籜

各二分

扁豆藤

二兩

倉米

一撮

右四味切以水二升煮取八合分服

又方

人參

四分

生薑

三分

厚朴

炙

白朮

甘草

各二分

右五味切以水一升煮取四合分服

中間與乳喫

立驗

補

温温

乳

又方

人參

四分

木瓜

一枚

倉米

一撮

右三味切以水煮分服以意量之立効

必効主小兒霍亂方

取廁屋戶簾燒灰研以飲服一錢匕

又方

訶黎勒 一枚

右一味先煎沸湯研一半許與兒服立止再服神妙

古今 驗療小兒霍亂吐痢人參白朮湯方

人參

六分

白朮

茯苓

各四分

厚朴

炙

甘草 炙各三分

右五味切以水一升半煮取六合分温服立効

劉氏療百日以來及葦內兒霍亂方

以人乳半合及生薑汁少許相和煎服入口定

又療小兒霍亂方

生薑四分切 香薷 一兩 薄荷 一兩

右三味以水煎分温兒與母俱服之甚良

小兒霍亂雜病方六首

劉氏療小兒霍亂空吐不痢方

人參 六分 生薑 四分 厚朴 二分 橘皮 一分

兔骨 一兩炙碎

右五味切以水一升二合煎取四合服之即利下部又

以杏人鹽少許皂莢末少許麩和硬漉如棗核大以綿

裹內之便通妳母忌熱麩大効

又療小兒霍亂空利不吐方

烏牛蒨草舒移切 生薑 一團 人參 各三兩

右三味切以甜不醋漿水一升半煎取五合分服之如

孩子渴取曲蟾糞爛龍骨一兩以漿水煎澄清與兒喫

即差

又療小兒霍亂不吐不痢肚脹妨滿上下不通方

道按 施印葉 耳也 施音詩

甘草四分 當歸二分 石鹽三分

右三味切以漿水一升半煎取六合去滓牛黃麝香各半錢七研蜜半匙相和以下灌之即通妳母與漿水粥喫勿喫麩肉等

又小兒乾霍渴熱及壯熱眼色慢四大困悶方

以烏豆一升淨乾擇生薑一兩切以水三升煎烏豆皮欲爛即濾取汁二合和少許蜜喫即變吐如人行六七里又與喫無問大人小兒並與服之効

又療小兒熱霍諸藥不差方

以蘆葉二大兩糯米三大合水三升先煮葉入米煮取一升入蜜少許和服即差不足即取桑葉二升生薑半兩切以水三升煮取一升著一匙白米為飲服

又療小兒霍亂吐痢不止方

以人乳汁二合生薑汁粟米許荳蔻取人碎似蕎麥大二七枚蘗蔎一小把龍骨六分以乳煎取一合著少許牛黃麝香兔毛灰等和分為三服如渴以糯米汁著蜜與喫即差

小兒吐痢方四首

千金療小兒吐痢方

以亂髮灰二分鹿角一分作末以米飲服一乃圭日

止

二

三、
以熱牛矢汁灌之

又方

以熱牛矢汁灌之

又方

燒特猪矢水解取汁少少飲兒

劉氏療百日以下蓐內兒吐痢方

麩一錢

乳汁兩合

龍骨六分

右三味煎龍骨和炒麩服之即差

小兒歲方二首三代蒸取一匙普一與白米

薄急療小兒歲方

以生薑汁

五合牛乳

五合

右二味合煎取五合分二服

又方

以羊乳一升煎減半分五服無用牛乳代之

小兒口噤方四首

千金療小兒口噤方

以鹿角粉之大豆末之等分和乳塗乳飲兒

又方

以驢乳二升猪乳一升合煎得一升半服如杏人三

四服差

備急療小兒鵝口并噤方

礬石 燒末

朱砂 各半分

右二味和研令極細敷兒舌上日三以亂髮洗舌上垢

頻頻令淨即差

古今錄驗療小兒噤其病在咽中如麻豆許令兒沫不能

乳哺方

取水銀如黍米與服覺病無早晚水銀下咽便愈以
意量之不過小麻子許與可也

小兒重舌方一十三首

十金療小兒重舌方

政

又方

灸行間隨年壯穴在足大指岐中是

又方

取田中蜂房燒灰酒和薄喉下愈

又方

以竈中黃土末苦酒和塗舌上

又方

以赤小豆末和醋塗舌上

又方

取簸箕舌燒灰敷舌上

又方

傳

黃蘗竹瀝漬取細細點舌上良

又方

兒重舌舌強不能收嚼燒蛇脫末以雞毛蘸醮展藥
掠舌下愈

千金翼療小兒重舌方

又方

取三屠家肉各如指大以摩舌上兒立能乳便啼

以衣魚燒作灰以敷舌上千金云衣魚塗舌上

又方

兒重舌舌強不收嚼者鹿角末如小豆許著舌下敷

數與之

又療小兒重舌口中瘡涎出至多方

以蒲黃敷舌上不過三度愈

古今錄驗療兒重舌欲死方

灸右足踝三壯立愈又灸左右並良千金云灸兩足外踝

又方

取亂髮燒灰末敷舌上甚佳

小兒鵝口鷓口方六首

千金療小兒心藏熱口為生瘡重舌鵝口方

取柘根剉五升無根只以弓材佳

傳

傳

鸞傳

傳
數數為之

右一味以水一斗煮取二升以汁更煎取五合細細拭齒數次良

又方

口生瘡白漫漫取桑木汁先以父髮拭口次以桑汁塗之

又療小兒鵝口不能飲乳方

取白鵝屎汁瀝口中良

又方

取黍米汁塗之

又方

取父母亂髮淨洗纏桃枝沾取并華水東向日以髮拭口中得口中白乳以置水中七過瀝洗三朝作之

救急療小兒鵝口兩吻生瘡方

取髮灰以猪脂和塗之千金同

小兒口瘡方五首

小品療小兒口爛瘡方

取羊乳細細瀝口中不過三度差

千金療小兒口瘡方

大青 三分 黃連 二分

右二味切以水三升煮取一升二合一服一合日再夜

一

文仲太醫療小兒口瘡方

桑木白汁 生地黄汁 各一合 赤蜜 半合

右三味和煖敷兒口中瘡便差

救急療小兒口瘡方

以蛇脫皮水漬令濕軟拭口內瘡一兩遍即差

劉氏療小兒口瘡方

黃蘗皮一兩 烏豆一升

右二味以水二升煮取兩合去滓重煎如餲入少許龍

腦香研和敷之甚良

傳

傳

小兒口中涎出方三首

千金療小兒口涎出方

以白羊尿內口中差

又方

以東行牛口中沫塗兒口中及頤上

又方

桑白汁塗之差

小兒舌上瘡唇腫方五首

小品療小兒唇腫及口赤生白瘡爛方

清旦研桑木白皮取汁以塗兒唇口即差

瘡

止

傳

傳

傳

含

又小兒舌上瘡方

烏賊魚骨燒末以雞子黃和塗之至喉咽舌下遍敷
卽差止

千金療小兒舌瘡方

烽房燒灰屋間塵各等分和先洗瘡使乾敷之効

又方

羊蹄骨中生髓和胡粉敷上日三取差

又舌腫強滿口方

滿口舍糖醋少時熱氣通愈

小兒咽喉生瘡方二首

千金療熱病口爛咽喉生瘡水漿不得入者膏方

當歸

射干

升麻

各一兩

附子

半兩

白蜜

四合

右五味切以猪膏四兩先煎之令成膏下著地勿令大
熱內諸藥微火煎令附子色黃藥成去滓投蜜更上火
一兩沸以器盛之取杏人許含之日四五咽之無妨大
人小兒並用妙

又療口中瘡咽喉塞不利口燥膏方

猪脂

一斤

黃連

一兩

白蜜

一升

右三味合煎令成膏去滓合半棗大日四五夜亦含之

并

千金升麻湯主小兒喉痺痛若毒氣盛便咽塞並大人喉
咽不利方

生薑

升麻

射干

各三兩

橘皮

一兩

右四味切以水六升煎取二升分溫三服

又療小兒卒毒腫著喉頸壯熱妨乳方

升麻

射干

大黃

各一兩

右三味切以水二升半煮取八合一歲兒分三服餘滓
敷腫處冷更爰而薄大兒以意加之

又方

服之

煮桃皮汁三升服之又燒荆瀝汁塗良

劉氏療小兒喉痺熱塞方

升麻

五兩

馬藺子

一合

右二味以水一升煎取二合入少白蜜與兒服之甚良

小兒聾耳方四首

千金療小兒聾耳方

末石硫黃以粉耳中日一夜一差

又療少小聾耳方

桃人熟末以鼓許裹塞耳中

古今錄驗小兒聾耳方

鼓

止

亭

下同

耳中

措類

傳止中

青羊屎暴乾以綿裹塞中即差

又小兒聾耳有瘡及惡肉敷耳雄黃散方

白麻措取皮一合 花燕脂十願

右二味搗篩細研敷耳中令滿一兩度差方無雄黃未詳其名

小兒鼻塞方四首

足

千金療小兒鼻塞不通濁涕出方

杏人二分 椒出汗一分 附子去皮一分 細辛各一分

右四味切以醋五合漬藥一宿明早以猪脂五合煎令

附子色黃膏成去滓待冷塗絮導鼻孔中日再兼摩頂

上

又療小兒鼻塞生息肉方

通草 細辛 各一兩

右二味搗篩以綿纏如棗核大藥如豆著綿頭著鼻孔

中日二

古今錄驗療小兒鼻塞不通細辛膏方

細辛一分 通草各一分 辛夷人半 杏人皮二分

右四味切以羊髓三合猪脂三合緩火煎之膏成絞去

滓取一米粒許大以內鼻孔中頻易差

劉氏療小兒鼻塞不通喫乳不得方

醍醐三合 青木香 零陵香 各四分

佳

右三味切和前成膏取少許以膏和搥為丸或以膏塗
兒頭上及塞鼻中以通佳

右迪功郎充兩浙東路提舉茶監司幹辦公事張寔
校勘

重訂唐王燾先生外臺秘要方第三十五卷終

風草

略半

各一兩

